

1260. PANTON *vers* CHOWLES.*Misnosmer.*

Hill. 17 Jac. Reg. En le Common Bank en debt per Panton administrator de Elianor Dancastell sur un obligation vs Chowles, que plead que Elianor en son vie per le nosme de Ellen Dancastell release a luy tous accõns & demands: le pl' replia non est factum Elianoræ, & trove fuit per verdict non est factum. Sur que jeo move le Court en arrest de judgement, quia fuit matter en ley si le fait seal per le nosme de Ellen soit le fait de Elianor, comt que Elianor en verity ceo seal; & cest matter en ley ne duissoit estre mise en issue, pur que l'issue fuit misjoyne. Sed tous les Justices encounter moy: car ils disont que ils ont plusors faits resolve que nul poit faire un obligacõn ou auter escript p ù contrary nosme de baptisme, ne poit estre conus per deux nosmes de baptisme; & ils disont que non est factum fuit un apt issue, & le Jury que ad trove non est factum ad trove accordant al ley: & si le Jury ust trove l'especial matter unẽ le fait ne srõit adjudge pur barrer le pl'. Mes si per voy de pleading issint happa que le party poit relyer sur un conclusõn ou estoppel, donqs il poit estre ayde, autermit nemy. Veies *Shotbolts case 10 & 11 Eliz. Dyer 379.* 20 E. 3. misnosmer en Fitz. pla. 13. 3 H. 6. fo. 25. 33 H. 6. fo. 22. Et vies que matter en ley ne srã mise en issue al Jury per un rule prise 9 H. 6. fo. 38.

[898] 1261. DIBLEY *vers* DOARE.*Jeofailes. Le Statute de 18 Eliz.*

Mich. 18 Jac. En le Common Bank, mes l'entry est Pasch. 18 Jac. en trespas p Dibley vers Tho. Doare & Bartholomew Doare. Tho. Doare appiert nemy Bartholomew, pur que le pl' declare en trespas vers Thomas quare clausum fregit & averia cepit & imparcavit, mes les parols del declaracõn fueñ, quod Tho. simul cum Bartholomeo clausum fregerunt en le plural number. Auxi lou le p̄sident en le register est, & averia sua sine rationabili causa imparcavit, les parols (sine rationabili causa) fueñ omise en le declaracõn. Auxi en le venire fac' le christian nosme ðun les Jurors fuit escry Edus sans ascũ dash sur ceo. Et en le distress fuit Edmundus. Auxi le nosme del vic' que en vity fuit Humfridus fuit escrie al retourne del venire fac' Humfrus sans ascũ dash sur ceo. Touts queux choses jeo muñe al Court puis v̄dict en arrest de judgeñt del part le def. Tho. Doare. Mes le Court ne allow ascũ de eux, quia ils fueñ tous remedy (estean que forme) per le Stat' de 18 Eliz.

1262. JOHN COIT & WILLIAM GLOVER *vers* RICHARD EVESQUE DE COVENTRY & LICHFIELD.*Commendam.*

Mich. 10 Jac. roi 2642. En le Common Bank en un quare impedit, les pl' count que Walter Henningham suit seisy del advowson de Clifton Camvile en fee, & grant le procheine avoidance al eux les pl'; & que l'Eglise deveigne void per le mort de William Walkeden, pur que ils present, & le def. eux disturb. Le def. dit que Walkeden fuit incombent & accept un auter benefice ouster le value, per que cest Eglise deveigne void, & void demurt 18 mois; & il pleade le Statute de 25 H. 8. cap. 21. pur dispensations destre grant per l'Archevesq, & confirme south le grand Seal, & plead auxi un dispensation del Archevesq fait a luy de tener cest Eglise ove son Evesquery de Coventry & Litchfield, & ovesque un ou plusors benefices sans cure, ou ove cure, in commendam, de quelcunque quality, value ou dignity, ove un proviso

This (PDF) case report was prepared by, and is the copyright of, [Deed Poll Office](#). You are free to use this report for non-commercial purposes, so long as you do not modify this (PDF) document and you keep every part of the report (including this notice) intact.

Find more cases like this at:

<https://deedpolloffice.com/change-name/law/case-law>

<https://deedpolloffice.com/change-name/children/case-law>



Deed • Poll • Office